

普洱府志稿卷之二十三

學校志二

學額

古之學校與今學異比閭族黨以至州術士之秀者皆養之使底于成而爲用于世然無所謂額也拓跋氏始定鄉學學額後世或因或革不一其數普洱爲西南夷曷明增置各學而在未入版圖之先我

朝始設流建學治化所被英才漸多邇來添設廳縣各學益爲美備駸駸乎方駕內地矣茲綜紀學額而附以貢爲一冊俾有所攷云

普洱府志稿

卷之二十三

學校志二

學額一

普洱府

大清會典事例雍正三年議准雲南威遠地方夷人子弟令就元江府附考於府學定額外加取二名

又雍正七年議准雲南普洱既改爲府照小學例取進童生八名俟人文漸盛再議加額所設教職即在元江府學調撥訓導一員以司啟迪其從前附入元江府學各生俱令撥入普洱府學該學另造清冊報部

又乾隆四年議准威遠土州從前附入元江府考試於元江府額進二十名外加取二名今改隸鎮沅府其從前元江府加額二名應撥歸鎮沅於府學取進定



額外加取威遠童生二名

又乾隆十三年議准普洱府設學已久文風日盛准設廩增各八名新設廩生俟十二年後出貢

又乾隆二十五年議准普洱府學於乾隆十三年開設廩增各八名原議俟十二年後准其起貢今屆起貢之期准照昭通東川二府屬出貢之例四年一貢

又乾隆三十六年議准普洱府原設文武生各八名今威遠撥歸文武生各二名他郎撥歸文武生各五名應增為文生十五名武生十三名原設廩增各八名今增為十二名二年一貢

普洱府志稿 卷之二十三 學校志二 學額二

又普洱府有親轄地方歲科兩考學政即由本府所錄親轄童生內取入府學附景東棚考試

學政全書普洱府學額進十五名廩生十名增生十二名二年一貢

又道光二十一年議准普洱府學額進文童十八名內甯洱思茅十名威遠武童十七名內甯洱思茅十名威遠三名他郎五名

廩生二十名增生二十名二年一貢

案冊光緒七年

奏准甯洱縣學原撥取府學五名今新設三名共八名思茅廳學原撥取府學五名今新設三名共八名威



遠廳學原撥取府學三名今新設二名共五名他郎  
廳學原撥取府學五名今新設二名共七名武童仍  
舊各屬廩增貢生向來未設至二十二年已滿五屆  
例應添設經普洱府知府陳宗海通稟

奏設甯洱縣額設廩生五名增生五名四年一貢思茅  
廳額設廩生五名增生五名四年一貢威遠廳額設  
廩生四名增生四名五年一貢他郎廳額設廩生四  
名增生四名五年一貢卽以光緒二十四年戊戌歲  
試爲始